

Premi schurnalistic a Petra Rothmund



Surdada dal Premi schurnalistic SRG.R 2014 a Petra Rothmund.

RTR

■ (cp) Il Cussegl dal public SRG.R (CP SRG.R) ha surdà stersas il premi schurnalistic SRG.R 2014 a Petra Rothmund. Ella è vegnida onurada per il film «Dal Magic Wood al Action Wood». Il num

Cuntrasts è program. L'emissiun viva da cuntrasts da stil, da differentas avischinaziuns a temas variads. L'emissiun emnila da 25 minutas preschenta e reflectescha temas relevants per la Svizra rumantscha e per il Grischun. – Il Premi schurnalistic SRG.R onurescha products schurnalistics da la chasa RTR. La giuria, che consista da tschintg commembers dal CP SRG.R, ha tadlà e guardà tut las 30 contribuziuns inoltradas. Per il premi schurnalistic SRG.R 2014 ha ella nominà las suandantas emisiuns e contribuziuns:

– «Punt Tamina Top (Telesguard)»:

Curdin Fliri (televisiun)

– «Candi-Cartoon»:

Peter Kreiliger e ses team (online)

– «Viver cun ed il medem mument senza sia dunna»:

Violanta Rominger (radio)

– «Dal Magic Wood al Action Wood»:

Petra Rothmund (televisiun)

– «Il misteri da Bargun, cronica d'in mazzament da chatscha»:

Gieri Venzin (televisiun)

Da questas propostas han ils commembers dal CP SRG.R lura tscherni la victura Petra Rothmund cun il film «Dal Magic Wood al Action Wood». Il premi è dotà cun 6000 francs.

«Dal Magic Wood al Action Wood»

Petra Rothmund ha realisà il film ch'è vegni emess l'emprima giada il november 2014. Il film mussa bleras fassettas ed ina cuntrada particulara en noss intschess. Ils Cuntrasts conferman ch'ins cuntanscha cun bainvulentscha e toleranza ina schliaziun. Ils maletgs dattan invista en in mund mirveglius strusch scuvri. Quest lieu magic è dentant enconuschent en la scena da bouldrar lunsch sur ils cunfins svizzers ora.

Libertad da las medias – independenza da la pressa, radio e TV

En ses referat ha *Larissa M. Bieler* reflectà la libertad da las medias. Ella è schefredactura da la gasetta «Bündner Tagblatt» BT a Cuira ed uschia l'emprima dunna a la testa dad ina gasetta quotidiana dal Grischun.

Infurmaziuns davart il Cussegl dal public SRG.R

Il Cussegl dal public è in gremi independent e consultativ che accumpogna la lavur da program ed il svilup dal program da RTR Radiotelevisiun Svizra Rumantscha cun observaziuns e propostas. Il Cussegl dal public fa per regla quatter sedutas ad onn. El observa programs, emisiuns ed era contribuziuns online selecziunadas da RTR. Il Cussegl dal public SRG.R procura per in stretg contact tranter ils responsabels dal program ed il public. El sa cumpona da 15 commembras e commembers.